

Sakspapir

Saksnr	Utvalg	Type	Dato
027/17	Kommunestyret	PS	26.04.2017
	Formannskapet	PS	

Saksbehandler	Arkiv	ArkivsakID
Olav Mongstad	FA - F12	17/358

Uttale om organisering og formidling av hjelpemiddel

Vedlegg

170315 Sak kommunale råd
Hjelpemiddel

Framlegg til vedtak:

Austrheim kommunestyre sender fylgjande uttale til høyringa om organiseringa av hjelpemidlar:

Austrheim kommune meiner retten til hjelpemidlar skal liggje i folketrygda med eit statleg finansieringsansvar og eit nasjonalt formidlingssystem for fagleg rådgjeving og utlån av hjelpemidlar. Dette vil sikre funksjonshemma tilgang til nødvendige hjelpemidlar på alle livsområde slik at grunnleggjande menneskerettar vert ivaretatt.

Retten til hjelpemidlar må ikkje vere avhengig av geografisk bustad og kommuneøkonomi. Staten bør forbetre hjelpemiddelordninga ved å styrke kommunane sitt ergoterapitilbod og rehabilitering, utvikle betre IKT-løysingar og gjere forenklingar. At innbyggjarar, gjennom folketrygda, er sikra hjelpemidlar som kompenserer for funksjonsnedsetjing, vil ha betydning for eit levande lokaldemokrati der alle kan delta.

Kommunestyret - 027/17 - 26.04.2017

KS - behandling:

Fellesframlegg:

Austrheim formannskap vert delegert mynde til å gje uttale i saka.

Fellesframlegget vart samrøystes vedteke.

KS - vedtak:

Austrheim formannskap vert delegert mynde til å gje uttale i saka.

Saksopplysninger:

Bakgrunn

Regjeringa har sendt rapporten - En mer effektiv og fremtidsrettet hjelpemiddelformidling,- på høyring. I samband med proposisjonen om kommunereform, er det forslag om at hjelpemiddelformidlinga skal overførast og finansierast av kommunane.

Dagens ordning med Hjelpemiddelsentralen styrt gjennom folketrygda er om lag 35 år gammal. Før det vart etablert, vart formidlinga opplevd ulik avhengig av kvar ein budde. Dagens hjelpemiddelordning er veldriven. Det er eit godt samarbeid mellom Hjelpemiddelsentralane og kommunane om formidling.

Vurdering

Organisasjonane for dei funksjonshemma er tydeleg på at dei ikkje ynskjer dagens ordning endra. Dei fryktar at ordninga vil bli ulik, avhengig av prioritering frå kommunane og at ordninga vil lide økonomisk på grunn av ulik økonomi i kommunane.

I Austrheim har Rådet for menneske med nedsett funksjonsevne hatt saka oppe som melding i sitt møte 30. mars. Dei oppfordra kommunestyret til å senda ein høyringsuttale.

Etter ordninga med politiske råd og utval i Austrheim, kan ikkje eit råd senda eigen høyringsuttale. Det er det formannskapet/kommunestyret som kan gjere. Når eit underutval ber kommunestyret om å sende høyringsuttale, er det ei sterk tilråding som kommunestyret må grundig handsama dersom dei IKKJE vil sende uttalen.

Utvalet ynskjer at den korte uttalen som er laga sentralt av organisasjonane vert nytta.

Uttalen lyder slik.

Forslag til innstilling i kommunalt råd:

Kommunalt råd for funksjonshemmede ber kommunen, ved kommunestyre eller formannskap, om å avgi høringsuttalelse på Ekspertutvalgets rapport - En mer effektiv og fremtidsrettet hjelpemiddelformidling -, med høringsfrist 21. mai.

Forslaget om å overføre viktige oppgaver, rettigheter, finansiering og faglig formidling fra staten

til kommunene må avvises.

Rådet ber derfor om at følgende uttalelse blir vedtatt som høringsvar:

Kommunen mener retten til hjelpemidler fortsatt skal ligge i folketrygden med et statlig finansieringsansvar og et nasjonalt formidlingssystem for faglig rådgivning og utlån av hjelpemidler. Dette vil sikre funksjonshemmede tilgang til nødvendige hjelpemidler på alle livsområder slik at grunnleggende menneskerettigheter blir ivaretatt.

Retten til hjelpemidler må være ikke være avhengig av geografisk bosted og kommune-økonomi. Staten bør forbedre hjelpemiddelformidlingen ved å styrke kommunenes ergoterapitilbud og rehabilitering, utvikle bedre IKT-løsninger og gjøre forenklinger.

At innbyggere, gjennom folketrygden, er sikret hjelpemidler som kompenserer for funksjonsnedsettelse vil ha betydning for et levende lokaldemokrati der alle kan delta.

Konklusjon

Rådet for menneske med nedsett funksjonsevne oppmodar kommunestyret om å sende dette høringsutspelet:

Austrheim kommune meiner retten til hjelpemiddel skal liggje i folketrygda med eit statleg finansieringsansvar og eit nasjonalt formidlingssystem for fagleg rådgjeving og utlån av hjelpemiddel. Dette vil sikre funksjonshemma tilgang til nødvendige hjelpemiddel på alle livsområde slik at grunnleggjande menneskerettar vert ivaretatt.

Retten til hjelpemiddel må ikkje vere avhengig av geografisk bustad og kommuneøkonomi. Staten bør forbetre hjelpemiddelordninga ved å styrke kommunane sitt ergoterapitilbod og rehabilitering, utvikle betre IKT-løysingar og gjere forenklingar. At innbyggjarar, gjennom folketrygda, er sikra hjelpemiddel som kompenserer for funksjonsnedsetjing, vil ha betydning for eit levande lokaldemokrati der alle kan delta.